



Inatsisartuni ilaasortaq
Jens Immanuelson, Siumut

Apeqqu nr. 200-miittunut akissutit

25. oktober 2013

Inatsisartut suleriaasianni § 37 naapertorlugu Naalakkersuisunut makkuninnga apeqquteqarsimavutit:

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Apeqqu 1

2009-miit 2013-imut Naalakkersuisuusimasut uranitalinnik misissueqqissaarnissamut Narsap eqqaani Kuannersuarni akuersissuteqaramik innutaasunut tusarniaasutigisimavaat?

Akissut

Nalinginnaasumik piunasaqaatitalittut ujaasinissamut akuersissutaaqqaartoq 2005-imi nalunaarutigineqarpoq. Akuersissutip taassuma atortussiassat aatsitassat ujarneqarnissaannut pisinnaatitsivoq, taamaattorli pinngoqqaatit radiop qinngornillit aamma hydrokarbonit tassunga ilaatinneqaratik. Ingerlatseqatigiiffiup matussusiisutut akilersinnaasutsinik misissuinernik, ilanngullugit nalinginnaasumik qinngorneqassuseq sinnerlugu pinngoqqaatinik radiop qinngornitalinnik aatsitassanik avatangiisinut aamma inuiaqatigiinnut tunngasutigut piujuartitsinermik sunniutaasunik naliliinernik suliaqarsinnaaneranut 2010-mi akuersissuteqartoqarpoq. Akuersissutikkut aatsitassanik qaqtigoortunik ujaasinermik nangitsisoqarnissaa akuersissutigineqarpoq, naak aatsitassami annertusisamik uraneqartoqaraluartoq. Aatsitassanik ujaasinissamut akuersissummut 2012-imi apriilimi tapiliut nalunaarutigineqarpoq, tassani allassimalluni akuersissummut pinngoqqaatit radiop qinngornitalit aamma ilaasut. Tapiliummiippoq pisinnaatitaaffeqartup aamma pinngoqqaatinik radiop qinngornilinnik atuinissamut akuersissummik nalunaarutisinsaminut pisinnaatitaannginnera pillugu aalajangersagaq.

2010-mi Naalakkersuisut akuersissuteqarnerannut aamma 2012-imi tapiliummut atatilugu innuttaasunut tusarniaassuteqartoqanngilaq.

Apeqqu 2

Misissueqqaarnermi qallorneqartut uranitaat sumiitineqarpat?

Akissut

Ujaasinermit misissugassat ujaasinermillu qillersimasat tamarmik ingerlatseqatigiiffimmit (GME-mit) toqqortarineqarput. Atortussiati ilaat Australiamut nassiunneqarput, ujaqqanit misissugassat qillersimasallu ilaat misissoqqissaarneqarsimallutik.

Apeqquut 3

Uran piiarneqartoq pillugu misissueqqaarnermi akuersissuteqarnermut isumaqatigiissuteqartoqarpa?

Akissut

Ujaqqat misissugassat qillersimasallu laboratoriami misissorneqarneri ingerlanneqarsimapput.


Apeqquut 4

Uranitalinnik misissueqqaarnermi piiasinnaaneq naalagaaffiup qanoq qisuariarfigisimavaa tamannalu pillugu qanoq naalagaaffik iliuuseqarpa?

Akissut

Aatsitassanik suliassaqarfik 2010-mi Namminersorlutik Oqartussanit tiguneqarpoq, taamaalillunilu aatsitassanik tamanik, ilanngullugu uranimik ujaasinissamut akuersissuteqarnermut nalunaaruteqartarnermut piginnaasaqarfik tiguneqarluni.

Inussiarnersumik inuulluaqqusilluta



Jens-Erik Kirkegaard